

Isumaginninnermik suliassaqarfimmi pissaanermik atuineq pillugu Inatsisartut inatsisaat pillugu Namminersorlutik Oqartussat nalunaarutaat

Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 1, 21. november 2013-meersoq, Inatsisartut inatsisaanni nr. 38, 23. november 2017-imeersumi, Inatsisartut inatsisaatnni nr. 47, 23. november 2017-imeersumi aamma Inatsisartut inatsisaanni nr. 20, 7. november 2019-imeersumi allannguutitalinni matumuuna nalunaarutigineqarpoq.

Immikkoortoq I Aalajangersakkat nalinginnaasut

Kapitali 1 Aallarniutitut aalajangersakkat

Pissaanermik atuineq

§ 1. Pissaanermik atuineq isumassuinermut isumaginninnikkullu perorsaalluni ikiunnermut taarsiullugu atorneqanngisaannassaaq, pisariaqarluinnartunullu killilerneqassalluni, aammalu pissaanermik atuinikkut anguniakkanut naapertuitissalluni.

Inuit pineqartut

§ 2. Immikkoortuni I aamma II-mi meeqqat 18-it inorlugit ukiulit, ulloq unnuarlu paaqqinniffimmut inissinneqarsimasut pineqarput.

§ 3. Immikkoortuni I aamma III-mi inersimasut 18-inik ukioqalereersut, tarnikkut pissutsimikkut annertuumik ataavartumillu piginnaanikillisimasut pineqarput, pisortat sulissutiginninnerisigut inuttut suliassanillu ikiorneqartut, kiisalu isumaginninnikkut perorsaanermik, passunneqarnermik paaqqutarineqarnermillu ikiorneqartut, imaluunniit sammisassaqartitaanissamik allatigullu neqeroorfingineqartut aamma §§ 32-36 naapertorlugit iliuuseqarfingineqarnermut akuersinngitsut. Tarnikkut pissutsikkut piginnaasakillisimaneq suliamut attuumassuteqartumik pisariaqartinneqartumik uppernarsaaserneqarsimassaaq.

Immikkoortoq II

Meeqqaat

Kapitali 2

Pissaqnermik atuineq

Nalinginnaasut

§ 4. Meeqqanik timikkut attorlugit pillaaqeq inerteqqutaavoq. Aalajangerlugin nikissinnaajunnaartitsineq inerteqqutaavoq. Aalajangerlugin nikissinnaajunnaartitsinermi pineqarput qitequtinik, paffinnut qilerutinik, isikkanut qilerutinik, timimilluunniit nikitsaaliiusutinik pinngitsaaliiusutit atuineq, allatullu ittunik aalajangerlugin qilerussineq. Nikassaasumik, asissuisumik allatigulluunniit nikanarsaataasumik tarnikkut pinninneq inerteqqutaavoq.

§ 5. Meeqqamik aalajangerlugu tigumminnilluni, imaluunniit inimut allamukaassilluni timikkut pissaanermik atuineq akuerisaavoq, imaappat:

- 1) meeraq imatut pissusilersuuteqarpat, inimi ataatsimoorfiusumi najuutiinnarnissaa illersorneqarsinnaanani, imaluunniit
 - 2) meeqqat imminik allanilluunniit ajoqsiinissaa taamatut iliornikkutpingitsoortinnejqarpat.

Imm. 2. Imm. 1 naapertorlugu pissaanermik atuineq pisuni ataasiakkaani pissutsinut tulluartuussaaq, pisariaqarnerpaamillu qaangiisuuussanani.

Ulloq unnuarlu paaqqinniffinni isumannaallisagaanngitsuni meeqqamut pissaanermik atuineq

§ 6. Meeqqañut ulloq unnuarlu paaqqinniffinni § 5 naapertorlugu timikkut pissaanermik atuisoqarsinnaavoq.

Imm. 2. Meeqqanut ulloq unnuarlut paaqqinniffinni isumannaallisaagaanngitsuni ulloq unnuarlut paaqqinniffiup matuinik silarlernik unnuaanerani parnaarsisoqarsinnaavoq, qaqtigunnarlu ulluunerani piffissani siviksutsuni parnaarsisoqarsinnaalluni.

*Imm. 3. Meeqqamut ulloqunnuarlu paaqqinniffimmut isumannaallisagaanngitsumut
inissinnejarsimasumut meeqqap inuttaanik inimilluunniit sumiiffigisaanik misissuilluni pissaanermik
atuisoqarsinnaavoq, tak. § 8.*

Imm.4. Tamatumaa saniatigut allaffigeqatigiittarnerit, oqarasuaatikkut oqaloqateqarnerit allatigullu attaveqaqatigiinnerit nakkutiginerisigut, meeqqamut ulloq unnuarlu paaqqinnifimmuit isumannaallisagaanngitsumut inissinneqarsimasumut pissaanermik atuisoqarsinnaavoq, tak. § 13.

Imm. 5. Aammattaaq meeraq ulloq unnuarlu paaqqinnifimmi isumannaallisagaanngitsumi inissinnejarsimasoq piffissami sungiussiniarfigisassaani, Inatsisartut inatsisaanni § 15-imni taaneqartut assigisaannik piumasaqaateqarluni, ullut 14-it tikillugit anitsaaliorneqarsinnaavoq.

Ulloq unnuarlu paagginniffinni isumannaallisakkani pissaanermik atuineq

§ 7. Meeqqanut ulloq unnuarlu paaqqinniffinni isumannaallisakkani § 5 naapertorlugu timikkut pissaanermik atuisoqarsinnaavoq.

Imm. 2. Meeqqamut ulloq unnuarlu paaqqinniffimmuit isumannaallisakkamut inissinneqarsimasumut meeqqapinuttaanikinimilluunniitsumiiffigisaanikmisissuilluni akuliuttoqarsinnaavoq, tak. § 8 aamma § 9.

Imm. 3. Tamatuma saniatigut meeqqamut ulloq unnuarlu paaqqinniffimmuit isumannaallisakkamut inissinneqarsimasumut allaffigeqatigiittarnerit, oqarasuaatikkut oqaloqateqarnerit allatigullu attaveqaqtiginnerit nakkutigalugit akuliuttoqarsinnaavoq, tak. § 13 aamma § 14.

Kapitali 3

Meeqqap inuttaanik inimillu sumiiffigisaanik misissuineq

Nalinginnaat

§ 8. Ulloq unnuarlu paaqqinniffinni, ilanngullugit ulloq unnuarlu paaqqinniffinni isumannaallisakkani, meeqqap pigisanik tigussaasunik pigisaqarneranik isumaqarnissamut aalajangersimasunik tunngavissaqarpat, tak. § 10, pigisaqarnerullu kingunerissallugu torersuunissamik aalajangersakkat malinneqarsinnaannginnerat, imaluunniit isumannaallisaanikkut mianerisassat mianerineqarsinnaannginnerat, meeqqap inuttaanik inimillu sumiiffigisaanik misissuisoqarnissaa inissinneqarfiup pisortaata, allalluunniit taamatut piginnaatitaasup aalajangersinnaavaa.

Imm. 2. Imm. 1 naapertorlugu taamaallaat misissuisoqarsinnaavoq, akuliunnerup siunertaa akuliunnerullu kanngunarsagaanermik iluaaginninnermillu misiginerit akuliunnerup kingunerisinnasaatut isumaqarfingeqartariaqartut, imminnut atsikkutigiippata. Misissuinissamut piumasaqaataavoq periutsit allat sakkukinnerusut misilereersimanissaat, misissuinermilu siunertat angunissaannut periutsit taakku naammassimassanatik. Meeraq pigisanik tigussaasunik peqaruni, nammieq tunniunnissaannut kaammattorneqassaaq.

Imm. 3. Pissutsit aallaavigalugit sapinngisamik qajassuartumik misissuisoqassaaq. Taamaasilluni misissuineq imatut ingerlanneqassaaq, meeqqap kanngunarsagaasutut misiginera sapinngisamik annikinnerpaasunngorlugu.

Imm. 4. Meeqqap inuttaanik inimilluunniit sumiiffigisaanik misissuisoqalertinnagu, misissuinerup aallartinneqarneranut pissutaasunik meeraq paasitinneqarnissamut pisinnaatitaaffeqarpoq, pissutsit immikkut ittut taamatut iliornissaq illuatungilinngippassuk.

Imm. 5. Meeqqap inuttaanik inimilluunniit sumiiffigisaanik misissuinermi sulisut ikinnerpaamik marluk tamatigut peqataasassapput. Taamaattoq pissutsit immikkut ittut pisariaqartippassuk, misissuineq sulisumit ataasiinnarmit ingerlanneqarsinnaavoq. Meeqqap inuttaanik inimilluunniit sumiiffigisaanik misissuinermi meeqqanik allanik najuttoqaqusaanngilaq.

Imm. 6. Tigussaasumik pigisat meeqqap pigisaatut nassaarineqartut arsaarinnissutigineqarnissaat paaqqinniffiuup pisortaata tamatumunngaluunniit piginnaatitaasup aalajangersinnaavaa, taamatut iliorneq torersuunissamut isumannaallisaanikkulluunniit qajassuussassatigut pisariaqartinneqartutut nalilerneqarpat.

Imm. 7. Pigisat meeqqap pigisai arsaarinnissutigineqarpata, pigisat arsaarinnissutigineqartut allattorsimaffiannik inissiiffigisaq suliaqassaaq. Arsaarinnissutiginninneq pillugu meeraq

ilisimatinneqassaaq, allattukkallu assilineqarneranik tunineqarluni.

Imm. 8. Pigisaq inissiiffigisap pigippagu, ingerlaannaq arsaarinnissutigineqarsinnaavoq.

§ 9. Ulloq unnuarlu paaqqinniffiup isumannaallisakkap aammattaaq meeraq paaqqinniffimmut inissinneqartoq inimi sumiiffigisamini pigisaniktigussaasunik sunik pigisaqarnersoq misissorsinnaavaa, torersuunissamik aalajangersakkat isumannaallisaanikkullu mianerisassat malinnissaasa qulakkeernissaannut misissuineq taamatut ittoq pisariaqartineqarpat:

- 1) meeraq inuuusuttorluunniit ulloq unnuarlu paaqqinniffimmut isumannaallisakkamut inissinneqarpat,
- 2) pulaartoqarneq sioqquillugu pulaartoqarnerullu kingorna, aamma
- 3) ulloq unnuarlu paaqqinniffimmik isumannaallisakkamik qimatsineq sioqquillugu utereernerullu kingorna.

Aalajangersimasunik tunngavissaqaarluni inummik inimillu sumiiffigisaanik misissuineq

§ 10. § 8, imm. 1 naapertorlugu aalajangersimasunik tunngavissaasinnaapput meeqqap ikiaroornartumit imigassamilluunniit sunnertisimasutut isikkoqarnera, paaqqinniffiup igaffianit sannavianilluunniit sakkunik ipittunik amigaateqartoqarnera, imaluunniit paaqqinniffimmi sulisunit takunnittoqarsimappat, paaqqinniffiup pisortaanik, imaluunniit sulisumik tamatumunnga piginnaatitaasumik isumaqalersitsisumik meeraq tigussaasumik pigisanik torersaarnissamut malittarisassanik unioqqutitsisunik, imaluunniit meeqqamut namminermut allanulluunniit uloriarsinnaasunik pigisaqartoq.

Inimik sumiiffigisaamik misissuineq pillugu immikkut

§ 11. Meeqqap inimik sumiiffigisaanik misissuineq inimi sumiiffigisaani meeqqap tigussaasumik pigisanik misissuinermk kinguneqarpat, meeraq misissuinermi najuunnissamut neqeroorfingineqassaaq, misissuinerulluunniit kingorna ingerlaannaq misissuineq inernerilu pillugit nassuaanneqassalluni, taamatut iliornissamut pissutsit immikkut ittut aporfüssanngippata. Misissuinerup ingerlanneqarsimanera pillugu ilisimatitsissutigerata peqatigisaanik misissuineq pillugu nassuaanneqarnissamut neqeroorut allakkatigut tunniunneqarsinnaavoq.

Imm. 2. Inatsisartut inatsisaanni matumanii ini sumiiffigisaq pillugu eqqarsaataapput ini, sikaaviit ineqqalluunniit allat meeqqap atorsinnaasai. Pigisat pillugit eqqarsaataapput assersuutigalugu siniffit, amusarissat, toqqorsiviit matusartut, taskit pooqattallu inimi sumiiffigisamiittut.

Inummik misissuineq pillugu immikkut

§ 12. Meeqqap inuttaanik misissuinermi eqqarsaataapput akuliunnerit, inuup timaanut pulatitsinertaqanngitsut, timimillu imatut attuualaarinertaqanngitsut. Taamaallaat atisat qaavisiguut pattalaarisqarsinnaavoq aammalukaasarfiit kamippaallu misissorneqarlutik. Meeqqalliqaatiguuminik peersinissaa, nasaarnissaa kamippaarnissaalu paaqqinniffiup sulisuisapiumasarisinnaavaat.

Imm. 2. Meeqqap timimini pigisanik tigussaasunik sunik peqarneranik misissuinermi, inuit meeqqamit aallaanermik suaassuseqartut taamaallaat qaqtigorluinnaq najuussinnaapput.

Allaffigeqatigiittarnernik, oqarasuaatitigut oqaloqatigiinnernik allatigullu attaveqaqatigiinnernik nakkutilliineq

Aalajangersakkat nalinginnaasut

§ 13. Meeqqanut ulloq unnuarlu paaqqinniffinni aamma meeqqanut ulloq unnuarlu paaqqinniffinni isumannaallisakkani, allaffigeqatigiinnernik, oqarasuaatikkut oqaloqatigiinnernik allatigullu inunnik erseqqinnerusumik taaneqartunik paaqqinniffiup avataaniittunik attaveqaqatigiinnernik piffissami aalajangersimasumi eqqartuussiviit akuersiseqqaarnagit nakkutilliisoqarnissa kommunimi sumiiffigisami kommunalbestyrelsip aalajangersinnaavaa, tamanna meeqqap atugarissaassusia ineriarorneralu mianeriniarlugit pisariaqarpat, taamaattoq tak. imm. 2-6.

Imm. 2. Aatsaat meeraq najuutsillugu allakkanik isertunik anisunillu ammaasoqarsinnaavoq meeraq akuersisimappat najuunneranilu pissalluni. Tusarnaaqataassutit atorlugit oqarasuaatikkut oqaloqatigiinnernik nakkutilliinerit taamaallaat pisinnaapput meeraq akuersisimatillugu.

Tusarnaaqataassutit atorlugit tusarnaartoqarpat, tamanna pillugu inuk oqaloqatigineqartoq ilisimatinneqassaaq

Imm. 3. Allakkap isertup ammarneqarnissa meeqqap kissaatiginngippagu, taanna ammarnagu nassiussisumut utertinneqarsinnaavoq allakkiamik nassuaammik ilallugu. Allakkap anisup ammarneqarnissa meeqqap kissaatiginngippagu, allagaq suujunnaarsinnejqassaaq.

Imm. 4. Meeqqap sianerfigitinnermini tusarnaaqataassutinik tusarnaartoqarnissa kissaatiginngippagu, sianersimasoq nassuaateqarfegalugu oqarasuaatikkut oqaloqatigiinneq kipitinnejqarsinnaavoq. Meeqqap sianernermini tusarnaaqataassutinik tusarnaaqataasoqarnissani kissaatiginngippagu, oqaloqatigiinnissa pissanngilaq.

Imm. 5. Taamaattoq pisortat oqartussaasuinut pisortallu oqartussaasuinit aamma taamaattoqarpat eqqartuussisuserisumut eqqartuussisuserisumillu imaluunniit meeqqat illersuisuanut illersuanilluunniit allakkanut allatigullu saaffiginnissutinut imm. 1-4 atuutinngillat.

Imm. 6. Politiit pulaarlutik allaffigeqatigiittarnernik, oqarasuaatikkut oqaloqatigiinnernik allatigullu attaveqaqatigiinnernik nakkutilliineranni imm. 1-5 atuutinngillat, tak. § 14, nakkutilliineq Kalaallit Nunaanni Eqqartuussisaaseq pillugu inatsit naapertorlugu politiit pineqaatissiinerannut attuumassuteqarpat.

Ulloq unnuarlu paaqqinniffinni isumannaallisakkani allaffigeqatigiittarnernik, oqarasuaatikkut oqaloqatigiinnernik allatigullu attaveqaqatigiinnernik nakkutilliineq pillugu immikkut

§ 14. Meeqqanut Kalaallit Nunaanni Eqqartuussisaaseq pillugu inatsit § 361 naapertorlugu tigummisaagallarnermut taarsiullugu ulloq unnuarlu paaqqinniffinnut isumannaallisakkanut inissinneqarsimasunut, eqqartuussisaaseq pillugu inatsimmi § 379, § 380 kiisalu § 381, pulaartoqarneq allaffigeqatigiittarnerlu il.il. pillugit aalajangersagaasut assigisaanik atorneqassapput.

Imm. 2. Meeraq meeqqap kommunimi sumiiffiani aamma kommunimi angerlarsimaffiani kommunalbestyrelsinut, Naalakkersuisunut pisortallu oqartussaasuinut allanut kiisalu Inatsisartunut ilaasortanut nakkutigisaangitsumik allaffeqateqartarsinnaavoq taakkunanngalu pulaarneqartarsinnaalluni.

Imm. 3. Aammataaq meeraq eqqartuussivimmik, unnerluussisutut oqartussaasunik, politiinik,

Inatsisartut Ombudsmandiannik, Folketingip Ombudsmandiannik, Inuit Pisinnaatitaaffi pillugit Europami Eqqartuussivimmik, Naalliuutsitsineq pillugu Europamiut ataatsimiitaliaannik, Meeqqat Inuuusuttullu Oqaloqatiginnittarfiannik meeqqallu illersuisuannik nakkutigisaanngitsumik allaffigeqatigiittarnissamut taakkunangalu pulaarneqarnissamut pisinnaatitaaffeqarpoq.

Imm. 4. Meeraq nunami allamioq nunami angerlarsimaffigisami nunanut allanut aallartitatut attaveqaataanik imaluunniit konsulitut sinniisuunik nakkutigisaanngitsumik allaffigeqatigiittarnissamut pisinnaatitaaffeqarpoq, tigummisaagallarnermi siunertat mianeriniarlugit pissutsit immikkut illuinnartut pissutigalugit politiit tamanna akerlerinngippassuk. Kalaallit Nunaanni Eqqartuussisaaseq pillugu Inatsit § 380 naapertorlugu politiit allakkanik nakkutiginninnissaq aalajangersarsimappassuk, allakkat politiit aqutigalugit nassiunneqassapput.

Imm. 5. Tigummisaagallarnermi siunertat mianeriniarlugit meeqqap tigummisaagallarnermut taarsiullugu paaqqutarineqartup oqarasuaatikkut oqaloqateqarnissaa allatigullu attaveqaqateqartarnissaa politiit akerlerisinnaavaat, imaluunniit oqarasuaatikkut oqaloqatigiinnerni allatigullu attaveqaqatigiinnerni oqaloqatigiinnerup tusarnaarneqarnissaa piumasaqaatigisinnaallugu, taamaattoq tak. imm. 2-4.

Imm. 6. Imm. 5 naapertorlugu politiit aalajangererannik meeraq ilisimatinneqassaaq, tamatumalu eqqartuussivimmut aalajangigassanngorlugu saqqummiunneqarnissaa piumasaqaatigisinnaallugu.

Kapitali 5

Inissinneqarnerup kingorna ulluni 14-ini piffissaq sungiussiartorfik

§ 15. Ulloq unnuarlu paaqqinniffinni isumannaallisagaanngitsuni meeqqat inissinneqarnermik kingorna ullut 14-it tikillugit ulloq unnuarlu paaqqinniffinnit pineqartumit najugaqarfingisaminilluunniit pineqartumit anitsaaliugaasinnaanerat pillugu kommunimi sumiiffigisami communalbestyrelsi aalajangiisinhaavoq, imaappat:

- 1) meeqqap immikkut ittumik ikiorneqarnissamut pisariaqartitsinera iliuuseqarfinginarlugu tamanna annertuumik pingaaruteqartutut isigineqarpat, aamma
- 2) isumaginninnikkut perorsaalluni sullissinermut tamanna aalajangiisumik pingaaruteqartutut isigineqarpat.

Imm. 2. Ulluni siullerni 14-ini meeqqap qanoq sivisutigisumik anitsaaliugaanissaa communalbestyrelsip aalajangissavaa.

Imm. 3. Meeqqap isumai tamatigut ilaatinneqartassapput, qassinillu ukioqarneranut inerisimassusianullu naapertuutumik tulluartumillu sunniuteqartinneqartassallutik.

Imm. 4. Timikkut pissaanermik atuilluni meeraq uninngatinneqarsinnaavoq taamaallaat inissinneqarfigisaminik qimatsinissaa pinngitsoortinniarlugu.

Imm. 5. Aalajangersagaq manna naapertorlugu pissaanermik atuineq pisuni ataasiakkaani pissutsinut tulluarsagaassaaq, pisariaqarnerpaamillu qaangiisuussanan, anitsaaliuinermillu anguniakkamut sanilliullugu naammaginartumik sakkortussuseqassalluni.

Kapitali 6

*Meeqqanut tarnikkut pissutsimikkut piginnaasakitsunut kalerrisaarutit sumiiffissiutilluunniit inunnut
ataasiakkaanut atugassiat*

§ 16. Kommunimi sumiiffisami communalbestyrelsi ulloq unnuarlu paaqqinniffiup qinnuteqaateqarneratigut, meeqqanut ulloq unnuarlu paaqqinniffimmut najugaqarfimmulluunniit inissinneqarsimasunut, aammalu tarnikkut pissutsimikkut annertuumik ataavartumillu piginnaasakitsunut kalerrisaarutit sumiiffissiutillu inunnut ataasiakkaanut atugassiat piffissami killilikkami atorneqarnissaat pisuni immikkut ittuni aalajangersinnaavaat, imaappat:

- 1) meeqqap ulloq unnuarlu paaqqinniffimmik qimatsinermigut timikkut ajoquusernissamut imminut allanilluunniit ulorianartorsiortitsilernissaa aarlerinaateqarpat,
- 2) kalerrisaarutit sumiiffissiutilluunniit inunnut ataasiakkaanut atugassiat aarlerinartup tamatuma pinngitsoortinnissaanut tapertaasinnaappata, aamma
- 3) kalerrisaarutit sumiiffissiutilluunniit inunnut ataasiakkaanut atugassiat atornissaannut angajoqqaatut oqartussaasut akuersisimappata. Angajoqqaatut oqartussaassuseq ataatsimoorunneqarpat, angajoqqaatut oqartussaasut tamarmik marluullutik akuersisimassapput.

Imm. 2. Imm. 1 naapertorlugu iliuutsit aallartinnissaannut piumasaqaatinik naliliinermi, tulliuttut pigineqarnerat communalbestyrelsip qulakkiissavaa:

- 1) pineqartup piginnaasakissusia pillugu suliamut attuumassuteqartumik uppermarsaatit pisariaqartinneqartut,
- 2) perorsaariaatsikkut periutsit, iliuuseqarfinginninnerup aallartinneqannginnerani atorlugit misilinneqarsimagaluartut pillugit nassuaat, siunertallu angunissaanut periutsit soog naammassimannginnerannut nassuaat ilanggullugu, aamma
- 3) meeqqap inissinneqarfingisap avataani nammineerluni ingerlasinnaangornissaa anguniarlugu perorsaariaatsikkut periutsit, iliuuseqarfinginninnerup peqatigisaanik atorlugit misilinneqartussat pillugit nassuaat.

Imm. 3. Imm. 1 naapertorlugu iliuutsip aallartinnissamut piumasaqaatit eqqortinnejarsimaneranik naliliinermi, meeqqap ukioqqortussusianut inerisimassusianullu naapertuuttumik meeqqap isummersuutai naammaginartumik pingaartinneqarsimanersut communalbestyrelsip ilanggullugu misissussavaa.

§ 17. Iliuuseqarfinginnineq, tak. § 16, sivisunerpaamik qaammatit sisamakkaarlugit aallartinneqarsinnaavoq. Pisuni ataasiakkaani piviusunik naliliineqtunuliaqtaralugupiffissap sivisussusissaa aalajangersarneqassaaq. Iliuuseqarfinginninnerup atornissaanik aalajangiinermut piumasaqaatit eqqortinnejarsinnaajunnaarpata, iliuuseqarfinginninequnitsinneqassaaq.

§ 18. § 16 naapertorlugu kalerrisaarutinik sumiiffissiutinillu inunnut ataasiakkaanut atugassianik atuinissamutaalajangiinnaanermut, atortut meeqqapingerlaffinikataavartumiknakutiginninnermut atorneqarsinnaasut ilaanggillat.

Kapitali 7

Nalunaarsuineq nalunaarutiginninnerlu

Aalajangersakkat nalinginnaat

§ 19. Pissaanermik atuinerit assigiinngitsut tamarmik nalunaarsorneqassapput, kommunimilu sumiiffisami aamma kommunimi angerlarsimaffigisami kommunalbestyrelsinut aamma Naalakkersuisunut, kiisalu meeqqat ataasiakkaat taamaattoqarpata meeqqatut illersuisuannut ulloq unnuarlu paaqqunniffimmit nalunaarutigineqassallutik.

Imm. 2. Inatsit manna naapertorlugu nalunaaruteqarnissamut immersugassat Naalakkersuisut suliarissavaat. Ulloq unnuarlu paaqqinniffit taakkuninnga atuinissamut pisussaaffeqarput.

Timikkut pissaanermik atuineq akuerisaq

§ 20. Ulloq unnuarlu paaqqinniffinni, matumani ilanngullugit paaqqinniffiit isumannaallisakkat, § 5 malillugu timikkut pissaanermik atuinermi, matumani ilanngullugit pinerluttulerinermi inatsimmi kapitali 2 malillugu allatut ajornartumik illersuisariaqalernermermi aamma ajornartuulernermermi pisinnaatitaanermi ulloq unnuarlu paaqqinniffiup pisortaata taassumaluunniit sinniisuata paasissutissat tulliuttut nalunaaruteqarnermut immersugassamut siunertamut tamatumunnga suliarineqartumut nalunaaquttag akunneri 24-t qaangiutsinnagit nalunaarsussavai:

- 1) meeqqap aqqa qassinillu ukioqarnera,
- 2) akuliunnermi piffissap qanoq ilinera,
- 3) akuliunnerup qanoq sivisutiginera,
- 4) akuliunnerup qanoq ittuunera, aamma
- 5) akuliunnermut tunngavilersuutit.

Imm. 2. Meeraq pisimasumut akuliunnermut aallartitsisumut akuusimasoq immersukkamut immersuineq pillugu ilisimatinneqassaaq, pisimasumullu nammineq nassuaamminik ilanggussinissamut periarfissaqassalluni. Meeraq nalunaarummut oqaaseqaatiminik imminersuinerminut illersuisumit, inummit tatigisaminit isumassuisumilluunniit ulloq unnuarlu paaqqinniffimmi sulisumit, pisimasumi akuusimangitsumit ikiorneqarnissamik neqeroorfigneqassaaq.

Imm. 3. Immersugassaaq ulloq unnuarlu paaqqinniffimmi protokolimi tamatumunnga immikkut naatsorsuussami pigineqassaaq.

Imm. 4. Ulloq unnuarlu paaqqinniffiup pisortaata taassumaluunniit tullersortaata nalunaaruteqarnermut immersugassap assilineqarnera nammineq oqaaseqaatiminik ilallugu kommunimut sumiiffisamut, kommunimut angerlarsimaffigisamut, Naalakkersuisunut taamaattoqarpallu meeqqap meeqqatut illersuisuanut ullut pingasut qaangiutsinnagit nassiuutissavaa.

Inuup timaanik inimillu sumiiffisaanik misissuinerup nalunaarsornera

§ 21. Ulloq unnuarlu paaqqinniffinni, aamma ulloq unnuarlu paaqqinniffinni isumannaallisakkani meeqqap timaanik inimillu sumiiffisaanik misissuineri, tak. kapitali 3, paasissutissat tulliuttut paaqqinniffiup pisortaata taassumaluunniit tullersortaata nalunaaquttag akunneri 24-t qaangiutsinnagit nalunaarsussavai:

- 1) meeqqap aqqi ukiuilu,
- 2) misissuinermi nalunaaquttag qanoq ilinera,
- 3) misissuinerup sivisussusaa,
- 4) misissuinerup qanoq ittuunera,

- 5) inuit kikkut misissuisuunersut,
- 6) pissutigisat aalajangersimasut, misissuinerup ingerlaneqarneranut tunngavissiisut, aamma tigussaasumik pigisat suut nassaarineqarsimanersut, aamma
- 7) § 8 naapertorlugu misissuinerni pissutigisat aalajangersimasut, misissuinerup pisariaqartilerneranut tunngavissiisut nassuaatigineqassapput.

Imm. 2. Meeraq inuttaminik inimilluunniit sumiiffigisaminik misissuiffigittoq nalunaaruteqarneq pillugu ilisimatinneqassaaq, pisimasumullu nammineq nassuaamminik ilanngussinissamut periarfissaqassalluni. Meeraq nalunaarummut oqaaseqaatiminik imminersuinerminut illersuisumit, inummit tatigisaminit isumassuisumilluunniit ulloq unnuarlu paaqqinniffimmi sulisumit, pisimasumi akuusimanngitsumit ikiorneqarnissamik neqeroorfigineqassaaq.

Imm. 3. Nalunaaruteqarnermut immersugassaq ulloq unnuarlu paaqqinniffimmi protokolimi tamatumunnga immikkut naatsorsuussami pigineqassaaq.

Imm. 4. Ulloq unnuarlu paaqqinniffiup pisortaata taassumaluunniit tullersortaata nalunaaruteqarnermut immersugassap assilineqarnera nammineq oqaaseqaatiminik ilallugu kommunimut sumiiffigisamut, kommunimut angerlarsimaffigisamut, Naalakkersuisunut taamaattoqarpallu meeqqap meeqqatut illersuisunanut ullut pingasut qaangiutsinnagit nassiuutissavaa.

Pissaanermik atuineq inerteqquaasoq

§ 22. §§ 4-18-imi, tak. imm. 2, malittarisassanik unioqqutitsinerit, nalunaarsorneqassapput, aamma kommunimut sumiiffigisamut, kommunimut angerlarsimaffigisamut Naalakkersuisunullu nalunaarutigineqassallutik.

Imm. 2. Pisuni imm. 1-imi taaneqartuni sulisoq akuusoq, kingusinnerpaamik pisimasup imm. 1-imi taaneqartup aqaguani, tamanna pillugu ulloq unnuarlu paaqqinniffiup pisortaanut allakkatigut nalunaaruteqassaaq, nalunaarullu taanna pisortap nammineq oqaaseqaatiminik inuillu pisimasumik takunnittut oqaaseqataannik ilallugu kommunimut sumiiffigisamut, kommunimut angerlarsimaffigisamut Naalakkersuisunullu ullut pingasut qaangiutsinnagit nassiuutissavaa. Nalunaarut paassisutissanik tulliuttunik imaqassaaq:

- 1) meeqqap aqqi qassiniillu ukioqarnera,
- 2) iliuutsip akuliunnissamut tunngavissiisup piffissap qanoq ilinerani pisimanera,
- 3) akuliunnerup piffissap qanoq ilinerani pisimanera,
- 4) akuliunnerup qanoq sivisutiginera,
- 5) akuliunnerup qanoq ittuuneranik nassuaat,
- 6) akuliunnerup siunertaanik nassuaat,
- 7) kina akuliuttua,
- 8) piffissami akuliunnerup pinerani meeqqap qanoq issusia, aamma
- 9) pissutsit immikkut ittut, akuliunnissamut tunngavissiisut.

Imm. 3. Meeraq pisimasumut pissaanermik atuinissamut tunngavissiisumut akuusoq nalunaaruteqarneq pillugu ilisimatinneqassaaq, pisimasorlu pillugu nammineq nassuaatiminik ilanngussinissamut periarfissaqassalluni. Meeraq nalunaarummut oqaaseqaatiminik imminersuinerminut illersuisumit, inummit tatigisaminit isumassuisumilluunniit ulloq unnuarlu paaqqinniffimmi sulisumit, pisimasumi akuusimanngitsumit ikiorneqarnissamik neqeroorfigineqassaaq.

Imm. 4. Iliuuseq pisortanit unnerluussutaasinhaalluni pineqaatissiissutaasinhaaneranik tunngavissaqartumik pasitsaassisoqarpat, ulloq unnuarlu paaqqinniffiup pisortaataa taassumaluunniit tullersortaata tamanna pillugu nalunaarut ingerlaannaq kommunimut sumiiffigisamut, kommunimut angerlarsimaffigisamut Naalakkersuisunullu nassiuutissavaa. Naalakkersuisut politiinut attaveqassapput.

Imm. 5. Sulisoq alla pisimasumik isiginnissimasoq, nalunaarummullu paassisutissanik ilanggussinissamut aqaguani qinnuigineqarsimangitsoq, nassuaamminik ulloq unnuarlu paaqqinniffiup pisortaanut taassumaluunniit tullersortaanut nalunaarutiginnnisamut pisussaaffeqarpoq.

Imm. 6. Sulisoq alla, pisimasoq pillugu tunngavissaqartumik ilisimasaqalersoq, ilisimasani pillugit ulloq unnuarlu paaqqinniffiup pisortaanut taassumaluunniit tullersortaanut aammattaaq nalunaarnissamut pisussaaffeqarpoq.

Imm. 7. Ulloq unnuarlu paaqqinniffiup pisortaa taassumaluunniit tullersortaa kommunimut sumiiffigisamut, kommunimut angerlarsimaffigisamut Naalakkersuisunut taamaattoqarpallu meeqqap meeqqatut illersortaanut nalunaaruteqarnermi, nalunaarutimi assilineqarneranik sulisumut akuusumut peqatigisaanik tunniussissaaq, nalunaaruteqarnermillu angajoqqaatut oqartussaassuseqartoq ilisimatissallugu.

Imm. 8. Sulisoq akuusoq tassaappat ulloq unnuarlu paaqqinniffiup pisortaa, kommunimut sumiiffigisamut, kommunimut angerlarsimaffigisamut Naalakkersuisunullu toqqaannartumik nalunaaruteqartoqassaaq. Pisumi taamatut ittumi ulloq unnuarlu paaqqinniffimmu tullersortip, nalunaarutimi assilineqarnera ulloq unnuarlu paaqqinniffiup pisortaanut tunniutissavaa. Taamatut pisoqaraangat angajoqqaatut oqartussaasut nalunaarut pillugu ilisimatinneqarnissaat Naalakkersuisut isumagisussavaat.

Imm. 9. Nalunaaruteqarnermik suliap tiguneqarneraniit sapaatit akunneri arfinillit qaangiutsinnagit nalunaaruteqarnermik suliap ingerlatsinermut kinguneri pillugit Naalakkersuisut aalajangiissapput. Kommuni sumiiffigisaq, kommuni angerlarsimaffigisaq angajoqqaatullu oqartussaasut taamaattoqarpat ingerlatsinermut kinguneri pillugit ilisimatinneqassapput.

Kapitali 8

Nakkutilliineq, naammagittaalliuuteqarnissamut aqqutissat, kingunerititat il.il. pillugit

§ 23. Immikkoortoq II-mi malittarisassat atorneqarnerat Naalakkersuisut nakkutigissavaat. Imm. 2.

Pissaanermik atuinerit pillugit nalunaarutinik Naalakkersuisut nakkutilliinissamut, nalilersueqqissaarnissamut qisuariaateqarnissamullu pisussaaffeqarput, tak. kapitali 7.

§ 24. Immikkoortoq II-mi aalajangersakkanik unoqqutitsinerit pillugit naammagittaalliutit kommunimi sumiiffigisami communalbestyrelsimit apuunneqassapput.

§ 25. Kommunimi sumiiffigisami communalbestyresi aalajangiinnginnermini Naalakkersuisut oqaaseqaammik qinnuigissavai. Sulisup pissutsinik naammagittaalliuutigineqartunik ilisimasaqartup nassuaataa oqaaseqaammut ilanggullugu nassiuunneqassaaq. § 20, imm. 1, § 21, imm. 1, imaluunniit § 22, imm. 1 naapertorlugit nalunaarsuisoqarsimappat, immersukkamut nalunaarsukkat assilineqarnerat nassuaammut ilanggunneqassaaq.

Imm. 2. Tamatuma saniatigut ulloq unnuarlu paaqqinniffiup pisortaa taassumaluunniit tullersortaa sapinngisamik sukkannerpaamik misissuissaaq, misissuinermut ilaassallutik meeqqamik oqaloqateqarneq,

sulisunik pissutsinik naammagittaalliuutigineqartunik ilisimannittunik oqaloqateqarneq, pisimasumillu isiginnittuusimasinnaasunik oqaloqateqarneq. Oqaloqatiginninnerit pineqartut pillugit nalunaarusiortoqassaaq, nalunaarusiarlu, paasissutissanik imm. 1-imi taaneqartunik imaqartoq pisortap inassuteqaataanik ilallugu, kommunimi sumiiffigisami communalbestyrelsimum nassiunneqassalluni.

§ 26. Kommunimi sumiiffigisami communalbestyrelsip immikkoortoq II-mi malittarisassat naapertorlugin aalajangigaanik naammagittaalliuutit lsumaginninnermi Naammagittaalliuuteqartarfimmum apuunneqarsinnaapput lsumaginnittoqarfiup aqunneqarnera aaqqissuussaaneralu pillugit Inatsisartut peqqussutaat malillugu.

§ 27. Meeqqat inissinneqarsimasut aamma angajoqqaatut oqartussaassuseqartut immikkoortumi matumani malittarisassanik, kommunimilu sumiiffigisami communalbestyrelsimum aamma lsumaginninnermit Naammagittaalliuuteqartarfimmum naammagittaalliornissamut aaqtissanik meeqqat inissinneqarsimasut angajoqqaatullu oqartussaasut ilisimatinneqarnissaat ulloq unnuarlu paaqqinniffimmipisortap qulakkiissavaa, tak. §§ 24 aamma 26.

§ 28. Aammattaaq nakkutilliisunut, tunngaviusumik inatsimmi § 71, imm. 7 naapertorlugu inunnik allaffissornikkut aalajangikkamik kiffaanngissusiagaasunik nakkutilliisussatut pilersinneqartunut saaffiginnittoqarsinnaanera ilisimatitsissutigineqassaaq.

§ 29. Inatsisartut inatsisaat manna ulloq unnuarlu paaqqinniffinni tamani inatsimmi matumani ilaatinneqartunut sulisunut tamanut tunniunneqassaaq. Sulisoq inatsisip tigunera pillugu ulloq unnuarlu paaqqinniffiup pisortaanut atsiussaaq.

Immikkoortoq III **Inersimasut**

Kapitali 9 **Atorneqarfia**

Nalinginnaasut

§ 30. Pissaanermik atuinerit allatigulluunniit nammineq aalajangiinissamut pisinnaatitaaffimmut akuliunnerit qanorluunniit ittut atorneqalersinnagit, iliuuseqarfinginninnerut pisariaqartinneqartunut inuk pineqartoq nammineq piumassutsimik peqataatinniarlugu kommune sumiiffisaq periarfissanik tamanik atuissaaq.

Imm. 2. Pissaanermik atuineq anguniakkamut naleqqiullugu imminnut naapertuuttumik atsikkutigiissapput. Iliuuseqarfinginninnerit minnerusumik akuliuffiusut naammappata, taakku atorneqassapput.

Imm. 3. Pissaanermik atuineq sapinngisamik mianersortumik sapinngisamillu sivikinnerpaamik pissaaq, aamma pineqartumut allanullu najuuttunut sapinngisamik mianerinnilluni pissalluni, taamaasilluni pisariaqanngitsumik kanngunarsaasoqassanngimmat akornutissarsisoqaraniluunniit. Nikanarsaataasumik,

asissuisumik allatigulluunniit nikassaasumik pinninnejq inerteqquaavoq.

Imm. 4. Akuliunnerup suliamut attuumassuteqartumik imminut illorsorsinnaassusianik pisariaqassusianillu kiisalu pineqartup peqqissutsimigut qanoq issusianik inunnut ataasiakkaanut naliliisoqarsimanissa immikkoortoq manna naapertorlugu akuliunnernut piumasaqaataavoq.

Kalerrisaarutit sumiiffissiutillu inunnut ataasiakkaanut atugassiat kiisalu matunik ammaassutit immikkut ittut

§ 31. Najugaqarfittut ulluuneraniluunniit neqeroorummi pisortap, imaluunniit sulisup, pisortamit taamatut iliornissamut piginnaatinneqartup kallerisaarutit sumiiffissiutillu inunnut ataasiakkaanut atugassiat piffissami killilikkami atorsinnaagai kommunimi sumiiffigisami communalbestyrelsi aalajangiisinhaavoq, imaappat

- 1) inuup najugaqarfittut ulluuneraniluunniit neqeroorummik qimatsinermigut timikkut ajoquusernissamut imminut allanilluunniit ulorianartorsiortitsilernissaa arlerinaateqarpat, aamma
- 2) aarlerinaatip tamatuma pinngitsoortinnissaanut pisuni ataasiakkaani pissutsit tamanna pisariaqartippassuk.

Imm. 2. Kalerrisaarutinik sumiiffissiutinillu inunnut ataasiakkaanut atugassianik imm. 1 naapertorlugu atuigallarnissamut aalajangiisinhaanermut, atortut inuup angerlarsimaffimminik qimatsinerata paasinissaanut imaluunniit inuup angerlarsimaffimminik qimatsisimasup sumiiffissinissaanut taamaallaat atorneqarsinnaasut pineqarput. Kalerrisaarutinik sumiiffissiutinillu inunnut ataasiakkaanut atugassianik imm. 1 naapertorlugu atuinissamut aalajangiisinhaanermut, atortut inuup ingerlaffinik ataavartumik nakkutiginninnermut atorneqarsinnaasut ilaanngillat.

Imm. 3. Inunnut, eqqarsartaatsikkut sanngiillisimanerup kinguneranik annertusiartortumik piginnaasakillisimasunut kalerrisaarutit sumiiffissiutillu inunnut ataasiakkaanut atugassiat atorneqalersinnaapput, pineqartoq tamatumunnga akerliunngippat. Kalerrisaarutit sumiiffissiutillu inunnut ataasiakkaanut atugassiat atorneqarnissaannut inuk akerliuppat, taakkuninnga atuinissaq communalbestyrelsip aalajangersinnaavaa, tak. imm. 1. Oqaaseqatigiit aappaat naapertorlugu aalajangiineq piffissamut killiligaanngitsumut atuuttussanngortinneqarsinnaavoq. Iliuuserinninnerli unitsinneqassaaq taamatut iliuuserinninnissamik aalajangiinissamut piumasaqaatini imaritinneqartut eqortinneqarsinnaajunnaarpata.

Imm. 4. Najugaqarfittut ulluuneraniluunniit neqeroorummi pisortap, imaluunniit sulisup, pisortamit taamatut iliornissamut piginnaatinneqartup matunik ammaassutit immikkut ittut inuup ataatsip arlallilluunniit atorsinnaagai communalbestyrelse aalajangiisinhaavoq, imaappat:

- 1) inuup inuilluunniit arlallit najugaqarfittut ulluuneraniluunniit neqeroorummik qimatsinermigut/qimatsinermikkut timikkut annertuumik ajoquusernissamut imminut allanilluunniit ulorianartorsiortitsilernissaa arlerinaateqarpat,
- 2) aarlerinaatip tamatuma pinngitsoortinnissaanut pisuni ataasiakkaani pissutsit tamanna pisariaqartilluinnarpassuk, aamma
- 3) Inatsisartut inatsisaanni periarfissat sinneri kinguneqanngitsumik atorneqareersimappata.

Imm. 5. Imm. 4 naapertorlugu matunik ammaassutinut immikkut ittunut ilaapput matup tigummivii marloqiusat, matumik ammaanissamut marloriarluni toorsineq assigisaallu. Iliuuserisaq imatut matumik parnaarinissutaassanngilaq, pineqartulli killilergsugaanani ingerlasinnaaneranut atatillugu kinguarsaataassalluni, taamaasilluni sulisut maluginiarsinnaassamassuk pineqartoq anisoq.

Imm. 6. Imm. 4 naapertorlugu iliuuserisaq aallartinneqarpat, najugaqartut killilersugaanatik ingerlasinnaanerat mianeriniarlugu matumi kalerrisaarummik ikkussisoqassaaq, taamaasilluni najugaqartut matumik ammaassummik immikkut ittumik namminneq atuisinnaanngisut matumik ammaanissamut pisariaqartitaminnik ikiorneqassammata. Najugaqartut imm. 4 naapertorlugu iliuuserinninnermut ilaasut, aatsaat anitsaaliorneqarsinnaapput § 34-mi aalajangersagaq tamatumaa peqatigisaanik atorneqarpat.

Aalajangerlugu tigumminninneq il.il.

§ 32. Inummik aalajangerlugu tigumminnilluni, imaluunniit inimut allamukaassilluni timikkut pissaanermik atuineq inerteqqutaanngilaq, imaappat:

- 1) inuup timikkut annertuumik ajoquusernissamut imminut allanilluunniit ulorianartorsiortitsilernissaa ilimanavissumik aarlerinaateqarpat, aamma
- 2) pisuni ataasiakkaani pissutsit tamanna pisariaqarluinnartippassuk.

Imm. 2. Imm. 1 naapertorlugu pissaanermik atuineq pisuni ataasiakkaani pissutsinut tulluarsagaassaaq, pisariaqarluinnartumillu qaangiissanani.

Imm. 3. Pissaanermik atuineq pinasuartumik pisariaqarsinnaasoq, Kalaallit Nunaanni

Pinerluttulerinermut Inatsimmi illersuisariaqalerneq ajornartuulermilu pisinnaatitaaneq pillugit aalajangersakkanut ilaassaaq, tak. pinerluttulerinermut inatsimmi kapitali 2.

§ 33. Kommunimi sumiiffigisami kommunalbestyrelsi qaqtigut aalajangiisinhaavoq najugaqarfittut ulluuneraniluunniit neqeroorummi pisortaq, imaluunniit sulisoq, pisortamit taamatut iliornissamut piginnaatinneqartoq inummik aalajangersimasumik tigumminnilluni pissaanermik atuisinnaasoq, inuttut eqqiluisaarnermut atatillugu pineqartup isumassorneqarnissaata isumaginissaanut tamanna pisariaqarluinnartutut isigineqarpat. Inuttut eqqiluisaarnermut atatillugu pissaanermik atuinerup siunissami pinngitsoornissaa peqatigisaanik qulakkeerniarneqassaaq.

Imm. 2. Imm. 1 naapertorlugu timikkut pissaanermik atuineq eqqiluisaarnermik pisuni tulliuttuni akuerineqarsinnaassaaq:

- 1) Kigutinik saliineq.
- 2) Unngiarneq.
- 3) Qulinneq, uffarneq atisanillu taarsiineq.
- 4) Nujaajartinneq kukiartinnerlu.
- 5) Nangernik nalequtanillu taarsiineq.
- 6) Amerissaaneq.
- 7) Ulussat iluini qarngullu iluani nerisat sinnikuunik peersineq.

Imm. 3. Kommunalbestyrelsip aalajangiinerani eqqiluisaarnermi pissutsit piviusut suut aalajangiinermi pineqarnersut erseqqissaatigineqassaaq.

Imm. 4. Aalajangersimasumik tigumminninnermut ikuutitut atortunik atuisoqassanngilaq, aamma aalajangersimasumik tigumminneriaaseq taamatullu iliornikkut anguniagaasoq imminnut naleqqiullutik atsikkutigiissallutik.

Imm. 5. Aalajangersagaq manna naapertorlugu timikkut pissaanermik atuineq piffissami qaammatit pingasut tikillugit sivisussusilimmi akuerineqarsinnaavoq. Kommunalbestyrelsi piffissamik

sivitsuisinnaavoq, qaammatinilli 6-nik sivisunerunngitsumik, pineqartumi eqqiluisaarnikkut pissutsit pitsaanerulersinniarlugit periutsit allat peqatigisaanik ineriertortinnejassammata, tak. imm. 2, oqaaseqatigii aappaat.

Imm. 6. Inuup imm. 1 naapertorlugu siusinnerusukkut aalajangiiffiqeqareersup tarnikkut pissutsimigut annertuumik ataavartumillu piginnaasakillisimanera suli ajorseriaateqaqqippat, pisuni eqqiluisaarnermut tunngasuni aalajangersimasumik tigumminnilluni timikkut pissaanermik atuinissamut akuersissut piffissamut qaammatit pingasut tikillugit atuuttussaq pillugu aalajangiisoqaqqissinnaavoq, piffissaq qaammatit 6 tikillugit sivitsorneqarsinnaalluni.

Angerlarsimaffimmit anitsaaliugaaneq

§ 34. Inuup angerlarsimaffimminik qimatsinissa pinngitsoortinniarlugu, imaluunniit pineqartoq angerlarsimaffianut ingerlateqqinniarlugu § 31, imm. 4-mi piumasaqaatit assigisaat piumasaqaatigalugit kommunimi sumiiffigisami communalbestyrelsi aalajangiisinnaavoq najugaqarfittut ulluuneraniluunniit neqeroorummi pisortaq, imaluunniit sulisoq, pisortamit taamatut iliornissamut piginnaatinneqartoq inummik aalajangersimasumik tigumminnilluni pissaanermik atuisinnaasoq.

Imm. 2. Angerlarsimaffimmit anitsaaliugaanerup piffissami qanoq sivisutigisumi atuunnissa komunalbestyrelsip aalajangiiffiqissavaa, iliuuserinninnerullu minnerusumik akuliuffiusup atorneqarsinnaanera ataavartumik nalilersortassallugu.

Annoraaminernit ujatsiutaasanik atuineq

§ 35. Inuup timimigut annertuumik ajoqusernissa nalorninaatsumik aarlerinaateqarpat, pisunilu ataasiakkaani pissutsit tamanna pisariaqartilluinnarpasuk, najugaqarfittut ulluuneraniluunniit neqeroorummi pisortaq, imaluunniit sulisoq, pisortamit taamatut iliornissamut piginnaatinneqartoq, inuup nakkarnissa pinngitsoortinniarlugu annoraaminernit ujatsiutaasat atorlugit issiavimmut kaassuartakkamut allatigulluunniit ikorsiisummut, siniffimmut, issiavimmut, perusuersarfimmulluunniit aalajangiisinnaasoq, kommunimi sumiiffigisami komunalbestyrelsi aalajangiisinnaavoq.

Imm. 2. Illersuiniarnermut atortut imm. 1-mut ilaatinneqartut piffissami qanoq sivisutigisumi atorneqarsinnaanerat pillugu komunalbestyrelsi aalajangiissaaq, iliuuserinninnerullu minnerusumik akuliuffiusup atorneqarsinnaanera ataavartumik nalilersortassallugu.

Najugaqarfissatut neqeroorummut akuersinani tigutinneq

§ 36. Inuup nuunnissamut akerliusup imaluunniit tamatumunnga paasinartumik akuersinissamut piginnaasaqanngitsup, taamaattoq tak. imm. 2, isumaginninnermut inatsisit naapertorlugin najugaqarfissatut neqeroorummut aalajangersimasumut tigutinnissa aalajangiiffiqeqqullugu kommunimi sumiiffigisami komunalbestyrelsi, tak. § 42, llaqtariinnermut Naalakkersuisumut inassuteqarsinnaavoq, imaaappat:

- 1) pineqartup pisariaqartitaminik ikiorneqarsinnaanissaanut tamanna pisariaqarluinnarpas, aamma
- 2) ikuineq inuup maannamut angerlarsimaffigisaani ingerlanneqarsinnaanngippat, aamma
- 3) pineqartup iliuutsimi kinguneri paasisinnaanngippagit, aamma

- 4) pineqartoq inuttut annertuumik ajoqusemnissamut imminut aarlerinartorsiortippat, aamma
- 5) nuunnissaata isumagineqannginnera illersorneqarsinnaanngippat.

Imm. 2. Inunnut tarnikkut pissutsimikkut annertuumik ataavartumillu piginnaasakillisimasunut, nuunnissamut akerliunngitsunut, nuunnissamulli paasinartumik akuersinissamut piginnaasaqanngitsunut, tarnikkullu pissutsikkut piginnaasakillineq eqqarsartaatsikkut piginnaasakillinerup ajorsiaartuaartup kingunerippagu, kommunimi sumiiffisami communalbestyrelsi aalajangiisinhaavoq najugaqarfittut neqeroorummum aalajangersimasumut tigutissasoq, communalbestyrelsip inassuteqaataa nakkutilliisumit kredsrettimit ivertinneqartumit isumaqtigineqarpat, tak. § 42, imm. 4, imaappat

- 1) pineqartoq pisariaqartitaminik ikiorneqarsinnaassappat najugaqarfittut neqeroorummum najugaqarnissaa pisariaqarpat, aamma
- 2) pisumi tassani aalajangersimasumi pineqartumut isumassuinermut atatillugu tamanna naapertuunnerpaasutut nalilerneqarpat.

Imm. 3. Inuk najugaqarfissatut neqeroorummum imm. 1-imi taaneqartumi najugaqartoq, aamma paasinartumik akuersinissamut piginnaasaqanngitsoq, naak imm. 1, nr. 1-5-imi piumasaqaatit eqqortinnejqarsimannngikkaluartut, nuunnissaq pineqartup soqutigisaatut nalilerneqarpat, aammattaq pineqartoq ilaqtuttaminut attaveqartuaannarsinnaaqqullugu, najugaqarfimmut allamut assigisaanut pineqartup isumassorneqarfigisinhaasaanut nuunneqarsinnaassasoq communalbestyrelsi Ilaqtariinnermut Naalakkersuisumut pisuni immikkorluinnaq ittuni inassuteqarsinnaavoq.

Imm. 4. Kommunalbestyrelsip imm. 1 aamma 2 naapertorlugit naliliinerani, taamaattoqarpat uiusup nuliaasulluunniit, inooqatigisap allatigulluunniit ilaquaasup pineqartup pisariaqartitaanik ikuunnissamik nakkutilliinissamillu isumaginnissinnaajunnaarsimanera ilaatinneqassaaq.

Imm. 5. Imm. 2 naapertorlugu communalbestyrelsip aalajangiinera Isumaginninnermi Naammagittaalliuuteqartarfimmut naammagittaalliuutigineqarsinnaavoq. § 42, imm. 4 malillugu communalbestyrelsip aalajangernera kredsrettip ivertitaanit nakkutilliisumit isumaqtigineqanngippat, pineqartup imm. 2 naapertorlugu najugaqarfissatut neqeroorummum aalajangersimasumut tigutinnissaa nuunnissaaluunniit aalajangiiffigeqqullugu communalbestyrelsip Ilaqtariinnermut Naalakkersuisumut inassutigissavaa.

Pulaartoqarnermut killilersuutit il.il. malittarisassaqartinnerat

§ 37. Inuit najugaqarfissatut neqeroorutini sulisoqartuni ininillu ataatsimoorussanik peqartuni najugaqartut kimit pulaarneqarnissartik namminneq aalajangissavaat, taamaattoq tak. § 38, imm. 1, aamma § 39, imm. 2.

§ 38. Najugaqariaatsini § 37-imi taaneqartuni ininut ataatsimoorussanut pulaartut ilaasa isersinnaanerat killilersorneqassasoq kommunimi sumiiffisami communalbestyrelsi aalajangiisinhaavoq, imaappat:

- 1) pulaartoq najugaqartunut allanut sulisunulluunniit nakuuserpat nakuusernissamilluunniit qunusaarippat, imaluunniit najugaqartut sinnerinut sulisunulluunniit ulorianartorsiortitsumik pissusilersuuteqarpat,
- 2) pulaartoq, timikkut nakuuserneq pinngikkaluarlugu, najugaqartunut allanut sulisunulluunniit ajoqusemnissap imaluunniit uumisaaraluni ajoqusemnissap, imaluunniit
- 3) inini ataatsimoorussaniinnerni pulaartup pissusilersornera nalinginnaasumik

toqqissisimajunnaarsitsinermigut, imaluunniit inini ataatsimoorfiusuni avatangiisink naakkittaannerulersitsinermigut, imaluunniit ikiuinermik pisariaqartinneqartumik suliaqarnissamut ajornakusoornerulersitsinermigut najugaqartut sinnerinut sulisunulluunniit annertuumik ajoquusersuutaappat.

Imm. 2. Pulaartup najugaqarfiup ilaanut najugaqartup kisimi atorsinnaasaanut isersinnaanissa kommunalbestyrelsip imm. 1 naapertorlugu aalajangiinermini qulakkiissavaa.

§ 39. Pulaartut aalajangersimasut inip ilaanut najugaqartup kisimi atorsinnaasaanut isersinnaanerannik killiliisunik kommunimi sumiiffisami kommunalbestyrelsi aalajangiisinnaanngilaq.

Imm. 2. Taamaattoq pulaartut aalajangersimasut sulisunut § 38, imm. 1, nr. 1-imi 2-milu taaneqartunik pissusilersuuteqartut, ikiinerup pisariaqartitap suliarinerata nalaani najugaqarfiup ilaani tassani isersimaqqusaajunnaarlugit kommunalbestyrelsi aalajangiisinnaavoq.

§ 40. § 38, imm. 1, aamma § 39, imm. 2 naapertorlugin aalajangiinerit, kommunimi sumiiffisami kommunalbestyrelsip ataatsimiititalialluunniit ataavartup ataatsimiinnerani aalajangigaassapput.

Imm. 2. Taamaattoq sulianik maannakkorpiaq pisariaqartitsineq pissutigalugu kommunalbestyrelsip ataatsimiititalialluunniit ataavartup ataatsimiinneranni, tak. imm. 1, suliarineqarnissamut utaqqinnejarsinnaannngitsunik ingerlatsivik § 38, imm. 1 aamma § 39, imm. 2 naapertorlugin aalajangiigallarsinnaavoq.

Imm. 3. Imm. 2 naapertorlugu aalajangiigallarneq aalajangiigallarnerup atuutilersinnerata kingorna, oqartussaasunut imm. 1 naapertorlugu aalajangiisinnatitaasunut akuerisassanngorlugu sapinngisamik piaartumik saqqummiunneqassaaq.

Imm. 4. § 38 aamma § 39, imm. 2 naapertorlugin aalajangiinerit pisuni ataasiakkaani sapinngisamik pisariaqarnerpaaginnarnut killeqartinneqassapput. Pulaartumut killilersuutit qanoq annertutiginerat piffissamilu qanoq sivisutigisumi atuuttussaanerat aalajangiinerimi takuneqarsinnaassaaq. Suliniutit minnerusumik akuliuffusut pulaartumut atornissaasa misilinnejarsimanissaat aalajangiinissamut piumasaqaataavoq.

Imm. 5. § 38 aamma § 39, imm. 2 naapertorlugin aalajangiinerit pulaartoq najugaqartorlu pillugit aalajangigaassapput.

Kapitali 10

Sulianik suliarinninnej, allaffissorneq il.il.

Kommunalbestyrelsip aalajangiinerinut tunngaviit

§ 41. §§ 31, 33, 34 aamma 35 naapertorlugin kommunalbestyrelsip aalajangiinerinut tunngavittut tulliuttu pigineqassapput:

- 1) piginnaanikillineq pillugu suliamut attuumassuteqartumik uppermarsaatit pisariaqartinneqartut,
- 2) pineqaatit aallartinnissaat pillugu aalajangiisoqarnissaa siunniunneqartinnagu isumaginninnikkut perorsaalluni ikiunneq paaqqutarinninnerlu pillugit paasissutissat,
- 3) piffissaq qanoq sivisutigisoq pineqaatit pisariaqarfissaattut naatsorsuutigineqartoq pillugu

paasissutissat, aamma

4) pineqaatitut eqqarsaatigineqartut pillugit ilaqtat taamaattoqarpallu nakkutilliisup oqaaseqaataat.

Najugaqarfissatut neqeroorummumtakuersinani tigutinnermut llaqutariinnermut Naalakkersuisup aalajangiineri

§ 42. Kommunimi sumiiffisami communalbestyrelsip inassuteqarneratigut najugaqarfissatut neqeroorummumtakuersinani tigutinnissamut llaqutariinnermut Naalakkersuisoq § 36 naapertorlugu aalajangiissaq. Kommunalbestyrelsip inassuteqaataata tiguneranit kingusinnerpaamik sapaatit akunneri marluk qaangiutsinnagit aalajangiisoqassaaq.

Imm. 2. Inassuteqaat tulliuttut pillugit nassuaammik imaqassaaq:

- 1) § 36, imm. 1-im 3-milu piumasaqaatit eqqortinneqarsimasutut isigineqarnerannut tunngavik,
- 2) piginnaanikillisimaneq pillugu suliamut attuumassuteqartumik upernarsaatit pisariaqartinneqartut,
- 3) najugaqarfissatut neqeroorummumtimmikkut ittumut tigutinnissamik inassuteqarnissaq aalajangiunneqartinnagu, pineqartumut ilaquaasunulluuniit ikuunneq paaqqutarinninnerlu ingerlanneqarsimasoq neqeroorutigineqarsimasoq luunniit,
- 4) najugaqarfiup nutaap pequtsersugaanera, inuttut ikorneqarneq, paaqqutarineqarneq tapersorsorneqarnerlu il.il., pineqartumut atugassiissutigineqarsinnaasut, aamma
- 5) inuup pineqartup nammineq ilaquaasullu, taamaattoqarpallu nakkutilliisup nuunnissaq pillugu oqaaseqaataat.

Imm. 3. Uiusoq nuliaasorluunniit allatigulluunniit qanigisaq, inummik suliami pineqartumik najugaqateqartoq, pineqartup najugaqarfissatut neqeroorummumtimmikkut ittumut aalajangersagaq manna naapertorlugu tigutinnissaanik inassuteqarnissamut communalbestyrelsip itigartitsinerata naammagittaalliuutiginissaanut pisinnaatitaaffeqarpoq. Naammagittaalliuut Isumaginninnermi Naammagittaalliuuteqartarfimmuit apuunneqassaaq.

Imm. 4. Pineqartoq nakkutilliisoqariinngippat, nuunnissamut inassuteqartoqartillugu oqartussaassuseq pillugu inatsit naapertorlugu nakkutilliisumik ivertsinissamik communalbestyrelsip kredsretti qinnuigissavaa.

Imm. 5. Nuunnissamik aalajangiineq piviusunngortinniarlugu kommunip politiit pisariaqarpat ikuuteqqullugit qinnuigisinnavaai.

Eqqartuussisuserisumit ikorneqarneq

§ 43. Suliap ingerlanerata nalaani pineqartup soqutigisaminik isumaginnittussamik eqqartuussisuserisumit ikorneqarnissaa communalbestyrelsip isumagissavaa, suliani makkunani:

- 1) pineqartup piumanngisaanik § 34 naapertorlugu angerlarsimaffimmit anitsaaliugaaneq, imaluunniit
- 2) najugaqarfissatut neqeroorummumt § 36, imm. 1 naapertorlugu tigutinneq.

Imm. 2. Eqqartuussisuserisumut aningaasartuutit communalbestyrelsip akilissavai, taannalu Kalaallit Nunaanni Eqqartuussisaaseq pillugu Inatsimmi kapitali 21 naapertorlugu sulianut eqqartuussivimmi akeqanngitsumik ingerlanneqartunut malittarisassat assigisaat atorlugit aningaasarsissaaq akiliutigigallarsimasaminillu utertiffigineqarluni.

§ 44. Pineqaatinik iliuuseqarfingeqartoq nammineq eqqartuussisuserisussaminik tamatigut toqqaasinnaavoq.

Imm. 2. Eqqartuussisuserisup inummit namminermit sulisussarsiarineqartup sullitamut, sullitalluunnit uianut nuliaanulluunniit, ilaquaanut, allanullu. attuumassuteqarnini pissutigalugu suliamut akuusinnaajunnaannginnissaa kommunalbestyrelsip llaqutariinnermullu Naalakkersuisup nakkutigissavaat.

Kommunalbestyrelsimit naammagittaalliorneq

§ 45. Immikkoortumi matumani aalajangersakkanik unioqqutitsinernut naammagittaalliutit kommunimi sumiiffisami kommunalbestyrelsimit apuunneqassapput.

§ 46. § 45 naapertorlugu naammagittaalliut aalajangiiffigitinnagu, kommunimi sumiiffisami kommunalbestyrelsip najugaqarfittut ulluuneraniluunniit neqeroorut inassuteqaammik qinnuigissavaa. Najugaqarfittut ulluuneraniluunniit neqeroorutip pisortaa taassumaluunniit tullersortaa sapinngisamik sukkannerpaamik misissuissaq, inummik naammagittaalliummi pineqartumik oqaloqateqarneq, sulisunik pissutsinik naammagittaalliutigineqartunik ilisimannittunik oqaloqateqarneq, taamaattoqarpallu pisimasumut isiginittunik oqaloqateqarneq misissuinermut ilaassallutik. Oqaloqatigiinnerit taakku pillugit nalunaarusiortoqassaaq, nalunaarusiarlu pisortap inassuteqaataanik ilallugu kommunimi sumiiffisami kommunalbestyrelsimit nassiunneqassalluni. Taamaattoqarpalat nalunaaruteqarnermut immersukkat, tak. § 53, imm. 2, nalunaarusiamut inassuteqaammullu ilangullugit nassiunneqassapput.

§ 47. Kommunimi sumiiffisami kommunabestyrelsip § 45 naapertorlugu aalajangiineri pillugit naammagittaalliuutit, Isumaginninnermi Naammagittaalliuuteqartarfimmut apuunneqarsinnaapput.

Isumaginninnermi Naammagittaalliuuteqartarfimmut naammagittaalliorneq

§ 48. §§ 31, 33, 34, 35, 36, imm. 2, 38, 39, imm. 2 aamma § 42, imm. 3 naapertorligit kommunalbestyrelsip aalajangiineri Isumaginninnermi Naammagittaalliuuteqartarfimmut apuunneqarsinnaapput Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaat malillugu.

Imm. 2. Inuk aalajangiineri pineqartoq nammineq naammagittaalliuteqarsinnaanngippat, uiusup nuliaasulluunnit, ilaquattap, nakkutilliisup imaluunniit allap inummut pineqaammik pineqartumut sinniisup kommunalbestyrelsip aalajangiinera naammagittaalliutigisinnaavaat.

§ 49. Najugaqarfissatut neqeroorutinut aalajangersimasunut § 36, imm. 1 aamma 3 naapertorligit tigutinnermut llaqutariinnermut Naalakkersuisup § 42 naapertorlugu aalajangiineri Isumaginninnermi Naammagittaalliuuteqartarfimmut apuunneqarsinnaapput Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaat malillugu.

Imm. 2. Aalajangiinernut imm. 1-im i taaneqartunut inuk aalajangiineri pineqartoq kommunalbestyrelsiliuunniit naammagittaalliuuteqarsinnaapput.

Imm. 3. Inuk aalajangiineri pineqartoq nammineq naammagittaalliuteqarsinnaanngippat, uiusup nuliaasulluunniit, ilaquattap, nakkutilliisup imaluunniit allap inummut pineqaammik pineqartumut sinniisup

Ilaqtariinnermut Naalakkersuisup aalajangiinera naammagittaalliutigisinnaavaat.

Imm. 4. Imm. 1-3 naapertorlugit Isumaginninnermi Naammagittaalliuuteqartarfimmum naammagittaalliutit kinguartitsissutit sunniuteqartarput. Pissutsit immikkut ittut pisariaqartippassuk, Ilaqtariinnermut Naalakkersuisup § 42 naapertorlugu aalajangiinermi peqatigisaanik tigutinneq ingerlaannaq piviusunngortinnejassasoq aalangersinnaavaa. Kinguartitsissutit sunniutaata atorunnaarsinnejnarnera Isumaginninnermi Naammagittaalliuuteqartarfimmum suliassanngortinnejqarsinnaanngilaq.

Eqqartuussivimmi milisinneqarnera nakkutilliinerlu

§ 50. Naammagittaalliuteqartup Isumaginninnermi Naammagittaalliuuteqartarfiup aalajangiinera Kalaallit Nunaanni Eqqartuussisaaseq pillugu Inatsimmi kapitali 28-mi malittarisassat naapertorlugit eqqartuussivimmut saqqummiunneqarnissa piumasaqaatigisinnaavaa, Isumaginninnermi Naammagittaalliuuteqartarfiup aalajangiineri makkununnga tunngappata:

- 1) § 34 naapertorlugu angerlarsimaffimmit il.il. anitsaaliugaaneq, imaluunniit
- 2) § 36 naapertorlugu najugaqarfissatut neqeroorummut immikkut ittumut tigutinneq.

§ 51. Inuit § 34 naapertorlugu pineqaatinut ilaasut, tunngaviusumik inatsimmi § 71, imm. 7 naapertorlugu inunnik allaffissornikkut aalajangikkamik kiffaanngissusiagaasunik nakkutilliineq pillugu Folketingip ataatsimiitaliaanut saaffiginnissinnaanertik pillugu ilisimatinnejqassapput. Aamma taamatut ippoq pineqaammut akuersisoqarsimappat.

Nalileeqqinnej, nalunaarsuineq nalunaaruteqarnerlu

§ 52. Suliani pineqaatit § 31, imm. 1, § 31, imm. 4 aamma § 34 naapertorlugit aallartinnejqarfigisaanni, pineqaatip atorneqarnerata ingerlaqqinnissa kommunimit ataavartumik nalilersoqqinnejqartassaaq, pineqaatillu aallartinnejqarnissaanik communalbestyrelsip aalajangiineraniit kingusinnerpaamik qaammatit arfineq pingasut qaangiutsinnagit nalilersoqqinnejqassalluni.

Imm. 2. Suliani pineqaatit § 35 naapertorlugu aallartinnejqarfigisaanni, pineqaatip atorneqarnerata ingerlaqqinnissa ataavartumik nalilersoqqinnejqartassaaq, communalbestyrelsilli pineqaat pillugu kingullermik aalajangiineraniit kingusinnerpaamik qaammatit 18-it qaangiutsinnagit nalilersoqqinnejqassalluni.

§ 53. § 36 naapertorlugu najugaqarfissatut neqeroorummut tigutinneq pissaanermillu atuinerit assigiinngitsut tamarmik, ilanngullugit §§ 30-35 naapertorlugit pineqaatinut atatillugu pissaanermik atuinerit, najugaqarfittut neqeroorummit nalunaarsorneqassapput, kommunimilu sumiiffigisami communalbestyrelsimit Naalakkersuisunullu nalunaarutigineqassallutik.

Imm. 2. Immikkoortoq III naapertorlugu nalunaarsuineq nalunaaruteqarnerlu pissaaq nalunaaruteqarnermut immersugassat immikkut ittut Naalakkersuisunit suliarineqartut atorlugit.

§ 54. Malittarisassanik unioqqutitsisoqartillugu, pissaanermik atuinerup ingerlaqqiinnarnissaanik aalajangiisoqarsimatinngagu, imaluunniit illersuisariaqalernermut ajornartuulernermiluunniit

pisinnaatitaanermut atatillugu akuliunneq pisimappat, ingerlaannaq nalunaarsuisoqassaaq, pineqaatillu aallartinneraniit kingusinnerpaamik aqaguani nalunaarsuisoqassalluni.

Imm. 2. Pineqaatit imm. 1 naapertorlugu nalunaarsorneqartut ingerlaannaq, kingusinnerpaamillu ullut pingasut qaangiutsinnagit kommunimi sumiiffigisami communalbestyrelsimit Naalakkersuisunullu nalunaarutigineqassapput.

§ 55. § 31, imm. 1, § 31, imm. 3, oqaaseqatigiit aappaat, § 31, imm. 4 kiisalu §§ 32-35 naapertorlugit pineqaatit ingerlaannaq nalunaarsorneqassapput, akuliunnerullu pinerata kingusinnerpaamik aqaguani nalunaarsorneqassallutik.

Imm. 2. Pineqaatit imm. 1 naapertorlugu nalunaarsorneqartut kommunimut sumiiffigisamut Naalakkersuisunullu qaamatikkaartumik nalunaarutigineqartassapput.

§ 56. Nuutitsineq § 36 naapertorlugu aallartinneqartoq qaammatip nuutitsinerup aallartinneqarfiata naannginnerani nalunaarsorneqassaaq.

Imm. 2. Pineqaatit imm. 1 naapertorlugu nalunaarsuineq kommunimut sumiiffigisamut Naalakkersuisunullu qaammatit pingasukkaarlugit nalunaarutigineqartassaaq.

§ 57. §§ 53-56 naapertorlugit nalunaarsuineq inummut akuliunnermik pineqaammilluunniit aallartitsisumit suliarineqassaaq, imaluunniit inummut akuliunnermik pineqaammilluunniit aallartitsisumut ilitsersuisussaatitaasit suliarineqassalluni.

§ 58. Pissaanermik atuinerup allatigullu inuttut kiffaanngissuseqarnermut akuliunnerit qanoq allanngoriartuuteqarnerisa malinnaaffiginissaat kommunimi sumiiffigisami communalbestyrelsip pisussaaffigaa, malinnaaqqinnissamut pisariaqartitsinerup nalilernissaa siunertaralugu.

Imm. 2. Pissaanermik atuinerup allatigullu inuttut kiffaanngissuseqarnermut akuliunnerit qanoq allanngoriartuuteqarnerat pillugu nalunaarut communalbestyrelsimit Naalakkersuisunullu ukiumoortumik saqqummiunneqartassaaq.

Immikkoortoq IV

Kapitali 11 Atuutilernera

§ 59. Inatsit 1. december 2013-imi atuutilissaaq.

Imm. 2. Meeqqanut inuuusuttunullu kiisalu annertuumik innarluutilinnut ulloq unnuarlu paaqqinniffit pillugit Namminersornerullutik Oqartussat nalunaarutaat nr. 64, 29. december 1994-imeersumi kapitali 8 peqatigisaanik atorunnaarsinnejassaaq.

§ 2

Inatsisartut inatsisaat manna ulloq 1. decembari 2017-imí atuutilerpoq.

Inatsisartut inatsisaata nr. 47, 23. november 2017-imeersup (Isumaginninnermi Naammagittaalliuuteqartarfiup sulianik ingerlatsinerata naammassiuminarsagaanera)[\[2\]](#) atuutsitsilernissamut aalajangersagaq una imaraa:

§ 4

Inatsisartut inatsisaat manna ulloq 1. januaari 2018-imí atuutilerpoq.

Inatsisartut inatsisaata nr. 20, 7. november 2019-imeersup (Inatsisip kalaallisut oqaasertaani § 20, imm. 1-imí, § 31, imm 4-mi aamma § 36, imm. 5-imí oqaatsitigut erseqqissaaneq)[\[3\]](#) atuutsitsilernissamut aalajangersagaq una imaraa:

§ 2

Inatsisartut inatsisaat ulloq 1. januaari 2020-mi atuutilissaaq.

Isumaginninnermut Inatsisinillu Atuutsitsinermut Naalakkersuisoqarfik, ulloq 4. februar 2020

Julie Præst Wilche

/

Trine Foldager

[1] Inatsimmik allannguineq § 13-imut tunngassuteqarpoq.

[2] Inatsimmik allannguineq § 26, § 48, imm. 1 aamma § 49, imm. 1-imut tunngassuteqarpoq.

[3] Inatsimmik allannguineq § 20, imm. 1, § 31, imm. 4 aamma § 36, imm. 5-imut tunngassuteqarpoq.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut